



烈婦李氏鄧高字妻康熙己未賊兵鈔掠小木口山氏先避

於榎漕尾未幾為所執欲污之不從乃斷其手及頸而死

陳氏盛世臣妻康熙乙酉為流寇所擄欲妻之堅志不從

世臣與二姪陳于璜將八金請贖以歸寇見氏有姿色不

許氏向世臣與姪泣曰吾命如此其必死矣行過登塘河

遂投水死時年二十九遺子四自發自啟自祐

謝氏幼隨兄入蜀年十八適綿州民戴永珍逾五年夫死

夫兄欲嫁之不從母迎以歸未幾其兄復納蔣某聘氏聞

憤甚即自經於夫塚樹以死及殮見其上下衣皆縫紉密

固蓋其志定也距夫死纔五月有司上其事請旌於

朝大學士汪文端由敦有樂府一首妾有夫向黃墟妾心

諒何其愚皎皎明月珠肯受汚泥汗兄不諒何其愚歸依
母與兄誓死無歸階兄也納聘勸改圖出險入險茫茫四

顧將安但哭拜夫塚心與俱三尺之練六尺軀千秋幸樹枝不枯

李氏咸和里苦竹町卿尚滔妻乾隆某年秋氏歸甯母家路遇強暴某欲奸之而脅以刃氏拒不從且憤罵不絕口意將過江往訴某村父老某怒亟刃氏死邑令某廉其事置某重辟而為氏請旌

陳氏陳榮相女幼適郭某年十八時拾薪於宅後山間遇樵子某逼污之不從脅以刃氏大罵且呼某急遂刃以死

杜氏福田洞儒童雷輝南妻庠生杜友李長女也年二十八夫亡無子氏晝夜號哭家人百方譬慰莫之解不食七日而卒

唐氏冷水市順則里儒童王太和妻太和以父喪處甚塊

患痿痺氏晝夜扶持衣不解帶歷歲餘卒不起氏投繯欲自盡以救得免然已號泣嘔血氣絕者數矣每絕時須姑撫而呼之則瞿然覺姑又時抱氏以口吸其氣則遽然甦氏夙眷戀翁姑至此百方曉譬而意竟決曰我義在徇夫終養翁姑請伯氏任之可也家人意弗釋議以伯次子為嗣冀以繫氏無何其子又殤氏曰是天絕我也遂椎膺慟哭喉間血格格作聲乃卒

以上舊編

鄧氏郡庠生何啟南妻啟南嘗僑瀧江抱疾歸氏多方營醫彌月不效既終氏大慟哭即時暈踏越三日勺水不入口遂相繼沒

趙氏儒童屈一良妻庠生趙含馥女也年二十九夫故無子撫姪定甲為嗣或勸其改適不從既除服勸者益力氏

度其難免一夕遂自縊死時年三十二也

李氏屈一揚妻生一子夫故時年二十二翁姑欲嫁之不從怒不予以食乃攜子詣族戚家傭澣洗鍼黹自給未幾子復妖翁姑陰以氏許某將執而嫁之氏聞之痛哭竟日遂自盡

張氏處士胡維劭妻劭沒氏朝夕痛哭既葬三日乃赴河死已旌

鄧氏呂周燕妻北鄉石角山人家甚貧夫以從軍出沒於陣氏聞號痛欲絕已乃鬻薪豆製夫木主延僧道招魂入供家龕事畢卽自縊時年二十四

張氏庠生蔣貢揚妻庠生召臣生母也初生二子夫沒遺腹生子召臣時年未三十也召臣出繼夫堂兄峙家貧氏勵志自守撫二子成人咸豐己未粵賊入境時二子俱隸戎行氏獨身遁出至屋後苦竹塘見賊黨紛來恐追及急赴水死後數日尸浮出面如生乃殮而葬焉同治四年請旌入祠東鄉橋頭人

陳氏庠生唐珠圓妻咸豐九年賊入境珠圓因母老守於家不去爲賊執令買馬不從殺之氏見珠圓死乃自溺於池以殉賊去家人殮其尸與珠圓合葬焉時年三十五

陳氏監生呂龍章妻咸豐九年賊黨入境里人皆逃匿氏姑唐年老艱於行爲扶掖將出而賊倏至欲逼汚氏氏怒詈遂被害龍章先被虜去後數日逃歸始殮氏面色猶生

時年三十三已旌

李氏何高美妻咸和里人咸豐九年粵匪竄境氏攜一子

避居山菴時子方周歲也賊驟至擒氏氏罵不絕口賊怒斷其頸子啼號遂並殺之

陶氏羅三玖妻門樓灘人夫早逝家極貧事孀姑盡禮咸豐九年粵賊犯境爲所執迫之不從乃投河而死時年三十餘

睦氏呂開庚妻咸豐九年率女大妹避石逆之亂至河岸爲賊所執恐不免奮身投河女隨之俱斃

劉氏從九品吳保和妻東鄉喜塘人咸豐九年粵賊竄境隨保和逃匿山中既保和爲賊擒氏求釋不得且擁之去氏追罵至二里許賊怒執之罵愈甚刃創其手頸而死後六日家人覓其尸將殮之口鼻猶噴血淋漓不止見者咸傷悼焉

尹氏雷錄內妻北鄉小木口人咸豐九年粵賊竄境見氏迫追之約二里許至白竹山被執欲辱之氏罵不絕口賊怒數鎗以稍卽時死時年甫三十也

呂氏熊大圭妻咸豐庚申粵匪竄境夫爲賊執將曳而去氏厲罵不休賊怒遂殺其夫氏卽時投水死

段氏梁謙受妾也廣西某縣人道光中謙受官懷集巡檢乃取氏丁巳廣西賊起氏攜其八歲女秋姑隨謙受回零中道秋姑天謙受爲殯某山僻處倉卒未及歸葬也越年餘謙受復赴廣西任慈樂氏仍從辛酉夏謙受病沒時署內惟氏及十餘歲婢無他宗親可倚仗者既歿卽買舟載喪行至中道並秋姑柩齊載之時盛夏酷熱謙受尸變臭水自柩出氏伏而舐之隨舐隨淨眾於是乎不以爲嫌久之

抵梧州其嫡子世綸迎至氏相嚮悲號卽時昏絕旣甦乃屬世綸後事數日廢食俱廢及抵興安中夜遂自扼其吭而死時年三十五世綸於是併三喪歸葬焉葬時其小婢哭送之聲甚哀懷觀者泣下氏叔朗亭爲銘墓已旌

朱氏周桂芳妻夫沒氏時年二十一慘痛欲身殉家人常防護之久之少弛氏適晨起乃自縊距夫死時甫一月也孀唐氏辛興里黃溪洞唐明弼女幼字本里呂某年及笄而呂客外死氏家居守貞奉父母長育諸弟足未嘗及門外對人不輕囁笑年七十六將終謂家人曰我孀以親老弟幼不得卽死然嘗戰兢懼不克終今死矣可無憾矣及葬家人爲刊碑冢上且置祭田云

雷氏雷勤若女幼字同邑蔣某未嫁而蔣落魄死女時年

三十有勸其父母別擇婚者女聞泣而止之日閉門績紡族人多未覲其面卒年五十二

康氏孝弟鄉人年九歲字羅爽及十六而爽死有勸改適爲終身計者女慨然曰妾聞烈女不事二夫婦道從一而終妾自九歲時已爲羅氏婦矣豈以旣死而背之哉遂指日自誓竟歸於羅操井白勤紡績執婦道甚謹晚撫從子爲嗣曰妾所以甘爲未亡人於羅者以此爾事翁姑處妯娌藹然和樂始終如一卒年七十

鄒氏進賢鄉鄒五桂女幼字蔣明祥子未婚而夫故舅姑已先下世父母欲別擇配不從誓守貞終世因夫家無可寄身乃依母以居先氏父母所出僅氏與弟兩人至是弟天父母獨倚氏氏慨然以女任子職晨昏奉養及沒殯殮

一切皆資紡績爲之無缺禮者卒年七十

蔣蘭姑孝廉蔣鳳色女樂郊里人幼字同邑武舉李成芳子文星成芳因赴任漂流妻子寓長沙時鳳色官江南東流縣文星隨任讀書居無何鳳色罷任文星入營伍婚期竟不能定後文星爲奸人所誘逃邊地久無音耗面鳳色亦下世有年矣女時年逾三十母氏唐欲訴縣別擇配女曰匹偶當年已定負心不祥母不之顧稍稍允求婚者於是女臥不食曰死以吾尸還李氏耳母懼爲輟其議家貧勤績紡以供衣食晨昏寢食未嘗離母側女有幹濟才操綜家事具有程規兄弟凡四人大鵬大鳴舉明經大鵬補太學大鴻入邑庠其貧而能成學者皆女力資績之也母死時諸兄弟俱省試未歸凡殯葬皆一身營措之哀禮委

至女年六十時邑人士將爲請旌女不欲曰如是我則名矣李氏一門何在乎事遂寢卒年八十

盛氏盛文寰女年十二字鄰人蔣氏子未幾蔣夭時女父已先卒至是而母亦死弟君明方八歲女於是守貞不字躬紡績給朝夕而撫君明以長及君明能傭耕自食氏猶勤操作不怠稍稍足衣食乃爲君明投室迄君明生子四而氏已年老矣乃歎曰吾今而後庶可見父母於地下矣氏年六十六卒君明哀喪如母云

艾氏艾資鎮女魏城人其祖母陳蓋節婦也女幼字同邑楊輝及笄而父母亡未幾輝亦客外死女聞之慟欲以身殉父沮之乃跪而泣曰女命藉此何生爲然父年老而諸弟少願留膝下兒畜之終身不字也父感其言許之女幼

嘗從祖母與父學受女誡論語孝經通知文義性儀嚴重宗婦非貞淑者求議不可得事父至孝凡菽水必手進之父晚年病血脈晝夜臥牀榻時方盛暑女左揮扇右進藥膳凡三月幾廢寢食父沒泣請繼母曰諸弟幸成立兒事畢矣願相從父地下遂累日不食繼母婉諭之乃稍進饘粥益自刻苦撫諸弟有孝友名嘉慶二十五年邑令曾鈺爲請旌

劉氏劉振益女郡城人幼許字顧某後某以流落死女時年二十三姻族咸勸改字女堅執不可日依依母側賴鍼劑爲活母家故貧日食嘗不給女泊然安之無少怨悔年五十餘而卒守貞三十年廩生艾承恩等爲請旌且建坊焉

李氏名山里李尙彝女幼字陳士菁未嫁而士菁客粵不歸父母議改字堅不從守貞五十餘年年七十卒張氏甯邑貢生張三元女幼字劉方珽方珽弱冠餽於庠未及婚而沒氏時年二十三聞耗慟哭請於父母曰兒旣字劉願終爲劉氏婦矣遂衰麻奔其喪哀號不止翁奇其志以伯子錫田後之氏守節四十餘年嘉慶十五年旌夏氏進賢里民魏富妻生月餘卽抱撫於魏越十年而翁與伯兄相繼亡值歲歉其仲兄偕富往蜀圖生計獨氏與姑家居貧窘益甚資鍼劑給衣食久之夫不歸音耗且絕時氏年已三十矣或曰汝有夫固未嘗昏也何自拘苦如是氏曰夫婦者大義所繫豈以無恩誼而背之哉且如姑無倚何卒矢志不從與姑相依以終姑年七十八沒及葬

衰麻出謝客伏地痛哭不能起眾為流涕廢食然以貧故竟無與嗣者

鄧氏福田鄉楊正明妻甫生其姑即撫乳之年十五未昏而正明往蜀十餘年不返有勸氏別醮者氏曰我非他姑媳比也我生姑乳而長之烏烏猶能反哺豈人而不如乎於是翁姑憐其孝竟不忍遣家徒四壁資女紅以給衣食終翁姑養無怨言撫姪一國為嗣

張氏唐文定妻初生即為文定父母撫為媳文定七歲夭氏仍依翁姑長養及笄有求婚者氏聞怏怏誓不再醮於是翁姑留侍左右視如女逮翁姑卒氏營辦喪葬無失禮宗黨稱焉年七十餘卒

羅氏唐宏玠妻年十五未昏而夫沒父母憐其少令再醮堅辭之事翁姑曲盡孝思撫夫弟宏章子為後年八十八卒

汪氏艾大有妻幼即育於艾夫亡氏時年十四或勸改適以死拒之事養翁姑終身無違禮

張氏幼歸於石為養媳未及昏而夫之扮遊蜀客死家人勸改適氏誓死不從撫夫兒子為嗣守貞終其身以上舊編

胡鳳姑處士胡上應女母沒時年已及笄而弟懋德生未百日也女憫弟孤無所倚遂矢志不字撫弟成人年七十無疾卒

李氏郡庠李光炳姑母也幼字陳某未嫁而某客死家居守貞年七十六終知縣某以茹苦全貞額其門西鄉黃泥橋人已旌

艾氏艾達璽女也幼字朱某未昏某客死粵西氏感母苦節誓死不再醮家居奉母卒年五十有五

周大姑周昌宗女幼字伍某夫遠賢不歸久且無音耗女矢志不更嫁安貧奉親年八十餘卒

雷年姑雷漢文女少字屈某時兩家相距遠而婿且貧甚自聘幣後數年音問無通女不知婿以貧故久不至乃意其死謂父母曰我當衰麻爲夫服也父母叱其妄女於是憂慮成疾既革父母告以故且呼婿至女曰何不早以貧告今已矣屬父母爲屈更娶言訖而卒

呂氏呂德元女幼許字於汪未嫁而某外出不返遂守貞以終卒年九十二方九十時知縣某賜柏節鶴齡額
伍氏伍學德女東湘橋人幼字張某未嫁而夫逝秉義蹈

貞現年七十一

李大姑李榮章女東湘橋人守貞不字現年七十一

唐氏唐有恆女弟早死親老無所託而家復貧甚女矢志不字業織紡以供晨昏親沒氏益孑然自勵現年七十

唐有弟唐大和女幼字陳宏發未嫁而翁亡家貧宏發遂流落失所年二十餘竟餓而死氏聞哀慘力食自守誓不再醮及父母與兄相繼亡氏益困倚鍼黹度日不足邑人士爲贖資周贍之現年六十六

滕金蓮滕四成女性聰慧能讀書識大義幼字張某年十三夫故女聞慟哭欲身殉父勸諭之乃止後父欲再醮女則泣曰大人無他子女願終身留膝下不他適也父母沒氏負土成墳歲時展祀焉已旌

李氏李盛庚姊西鄉大村人幼字周某未嫁夫亡氏誓不再醮父母沒撫弟成立翁姑老而貧迎於家養之終身氏現年六十一

李氏李昌厚女幼字張某既長某貧不能娶乃往賈於粵數年竟客死父母初得耗不以聞及久女訶知之爲悲慘不食者屢日父母欲更字堅不從乃守貞終世現年五十餘

秦氏秦大興女少字壻某父嫌其貧欲更嫁之不從誓志守貞現年五十

曾氏治平門曾棠女幼字李某未嫁而李死女堅貞自守及老鄰里罕見其面現年五十

呂氏勝禪號心參呂克厚次女也幼字於劉未嫁夫亡父

母議他適不從蔬食長齋足不及戶外率姪輩力勤績紡寒暑不輟父家由此致富焉

黃氏黃懋朋女水字橋人父母並沒遺一弟僅歲餘女時年十八乃守貞不字撫弟成人現年四十

顏玉月顏成志女高溪司人幼字黃某年二十未及昏夫沒女誓不他適願終依父母以居及父母沒乃於宅右營靜室素衣長齋奉佛誦經年八十五卒

陳氏蔣三恪妻年十四未昏而夫故有勸再醮者氏泣曰爲吾計得矣如翁姑何居恆孝養不衰嘗爲夫兄舂火藥因杵鍊激石火發遂焚其屋氏旋轉煙燄中而肌膚毫無損人謂其貞孝有神爲呵護云年七十終已旌

周氏盈四柳妻甫生卽育於盈年十四夫故誓不改適夫

季弟某生而多病氏為鞠撫至成立卒年七十三已旌
蔣氏卿仕吉妻幼撫於鄉夫故時年十二翁姑視如己女
及笄議改嫁女不從撫夫兄子一仁為嗣卒年六十已旌

成氏陳方聯妻襁褓中即撫於陳年十三夫故氏念舅姑
撫養義不他適撫姪九端為嗣有孫三卒年六十七

彭大妹處士彭國銀女也三歲即育於汪為大申妻越六
年大申故既長翁姑欲以配大申弟小申氏不從乃歸老

母家然歲時常往省翁姑焉卒年六十一邑紳耆為請
旌建坊

孫氏金文明妻道光九年以貞女請旌事蹟未詳

烈女胡氏玉池女康熙己未春逆賊入山擄掠女恐為所獲

即投水死

孫氏承平洞琥珀壘人幼字進賢鄰魏某未嫁而夫死女
聞哀麻往弔以夫家不能留仍歸依母居有議改適者氏
於是作絕命詩沐浴湖救自盡於樓梁而死知縣朱爾介
以幽貞千古旌其楣其絕命詩情供不傳

魏氏名新姑咸和里洪恩女也初生鄰人某即求婚洪恩
未允及周歲即為同里楊姓抱去為媳比長仍還魏待嫁
邑俗多如此也年二十一將嫁屆期向之求婚未允者挾
忿欲強奪之以魏勢不敵女恐其迫而受污也遂閉門自
縊死

蕭新姑曲河都塘人父宗言母陳氏年七歲為近鄰沈某
抱撫為子承重媳少長仍回家沈某欲娶因貧也無何

翁姑亡久之其母亦亡女惟績紡佐父資朝夕時承重以力不能娶託語其父請改適女聞之怒不從年二十二時承重申前請意漸決父將從之女聞憾甚乃閉戶沐浴嚴妝自縊死時嘉慶乙丑十月十四日也宗人濂有詩紀其事以篤長不具錄以上

成氏成烈女幼字王某年十六某姦女聞痛哭欲絕父母欲慰其意讓別字女伴許之及夜則素衣麻髻自縊於牀而死

顏氏顏邦義女北鄉高溪司人幼失恃育於祖母日隨行夜借寢祖母極鍾愛之不頃刻離也後祖母以其子某蕩無行屢戒弗悛憤極遂乘間投於河女急跡之河上無所所得遂亦呼號而沈於水並死焉家人出其尸猶兩手握

母襟帶不釋見者惻然時尚未及笄云

周氏東安周某女幼許西鄉荷葉塘程乾九婚有期而賊適至被執欲污之不從遂遇害時年二十

蔣氏蔣建位女梁木橋人幼字某待時未嫁咸豐九年三月粵賊至急出走倏遇賊追奔數十步赴塘水自溺死時年二十

周氏馮正紹妻正紹苦讀積疾未昏而沒氏聞欲奔喪家人阻之乃閉戶時出馮聘物視之而泣越數日遠哀麻出奔於馮家人挽之不及復往哭正紹墓哀痛欲絕翁姑憐其志許爲立後俾依祖母以居母家屢迎不歸曰吾身已許馮郎死當與同穴矣越數月卒時年二十同治十年家人爲繼嗣已旌

孝唐氏大木口花塢橋諸君祿妻姑胡年高無齒兼半身
痿廢不仁腰與便旋需諸媳環相扶持惟氏獨適意因獨
任其勞不辭姑又嘗須氏乳然每耕作雖倦億必跪而乳
之或曰坐可也氏曰是與乳小兒等也於姑則何敢姑心
旤或妄毆詈氏亦和顏受之雍正十一年王令欽命旌其
門

羅氏福田洞儒童雷輝都妻廣文道衍媳也道衍宦歸貧
無嗣撫輝都爲子姑唐年七十餘患腎癱臥牀褥者兩月
膿血淋漓羅時以口吮之且嘗噓翕以舒其痛一夕姑夢
神言曰災星退孝心遂下語蓋謂羅也患尋愈氏年八十
四卒生三子長相時幼入庠

蘇氏胡國越妻氏父家梅灣業種蒿胡家祖江墟亦販蒿

者故聯姻氏年二十歸國越執婦道惟謹數年翁亡姑有
心疾發則痛不可忍氏聞心疾須人心肉乃可治然心肉
難得計以股肉代之可乎姑微聞其意切止之然時姑
已疾作不食越三日尤甚百方醫治無效氏則於夜半潛
割左臂肉方寸而作羹以進方割時倉卒以紙灰敷創處
不血亦不痛也及姑食羹疑氣味異常再三詰乃告實姑
聞斗起抱氏大哭而氏始臂血溢溢乃痛甚矣敷藥十餘
日卒無恙而姑心疾亦愈

陳氏尹有垠妻有垠早喪而父亦相繼死氏養姑有孝行
嘗助修橋路爲姑祈壽姑年至九十乃終疾篤時語氏曰
願汝子婦事汝亦如汝之孝我也氏年七十餘卒

以上舊編

唐氏庠生黃瀚妻年十八歸瀚事翁姑至孝姑病痢氏奉

侍月餘夜寢未嘗解衣晝或忘食無何姑愈而氏竟以痢卒蓋嘗禱於神請以身代姑也聞者頌其誠孝瀚亦守義不再娶氏已旌

劉氏職員唐永定妻北安里人年十六歸唐修勵婦職初事姑劉既逝氏操治家政皆遵其規度如劉在日繼事姑王舉子未幾殤傷悼過甚氏時弄孫其側令嬉笑以寬慰之翁芳卿衰病凡進膳藥澣滌中衣廁踰皆躬任之至夜則長跪中庭炷香泣禱願減已算以益翁如是凡十餘年氏年四十四卒子三人

楊氏庠生蔣程九繼室也事姑至孝常以葺草貼茵褥侍姑寢姑意甚安適謂絲絮不如也姑嘗病結便不利氏百方解導之當穠臭無厭色前室子某性桀驁多所侮犯氏

時以恩禮遇之或外滋事變則潛爲消弭無使其父知某卒感動轉孝於氏氏年八十八

劉氏舉人張明誥妻夫幼孤家貧氏力操作與同艱苦姑高氏患腹泄晝夜約十數次沾污衣物氏爲澣滌之不以委人及夜污穢衾席則以己之溫者予之然已固無他可更者雖嚴寒輒坐達旦氏父老無子請於夫迎養之凡十餘年及卒殯殮如禮同治六年以孝旌

周氏吳廷桂妻姑患痢臥牀凡三月和調藥飲洗滌幫濡氏獨任之始終無倦姑將沒忽瞻視氏曰願汝得賢子婦事汝亦如汝事我我目瞑矣言訖而卒氏年八十四沒時咸豐四年也孫景澄歲貢珍儒相儒均庠生北鄉楚江墟人

登氏鄧世笏妻世笏兄弟凡五既析居其父母獨倚養於世笏世笏故貧甚然亦獨任之氏性賢孝嘗力操作以時其乏翁沒營措喪葬亦未嘗分任諸兄弟皆氏力也姑年老昏眊一日晚浴忽見鬼伏室中驚極而氣絕氏急入救得甦而鬼亦避氏不復至夫病年餘氏憂鬱至喪一日一夜夢神示曰汝夫數已盡以汝孝當延年也醒以告夫而病亦漸愈

王氏屈潁沅妻素孝謹姑趙嘗臥病時潁沅已從軍江南家無婢使獨氏扶侍嘗徹夜不休姑憐之令少寢氏佯應之然隨呼卽至如是凡七月姑沒氏哀傷過甚兼侍疾時寢輿失節因致重疾而卒時距姑沒僅半年也年四十一唐氏羅天祚妻家貧勤苦操作事姑孝姑患瘋痺爲營療

扶掖經十九年無倦姑沒殮葬備禮久之家亦漸裕年六十三卒楚江墟人

高氏齊安妻 李氏高憲妻 呂氏高湍妻 唐氏蔣一

職妻上四氏俱以孝旌事蹟未詳

義婦陳氏蔣士月妻士月家貧嘗抱病未愈思肉倉猝不能得氏於是跪訴所奉觀音前卽出刀割右臂肉烹以進士月食之而病立起既士月見其創詢得其故傷感不已

附錄

沔陽婦湖北沔陽州庠生某妻也道光辛卯夏州境大水民多出丐食中途婦病同行者棄而他去婦獨至永止瀟湘門子然無可依託者人問之自言夫弱冠游庠其姓則王黃汪口音莫辨也城中諸媪憐之

勸其嫁哀泣不從眾聞賢之乃相與贖錢資其藥膳
 或進自男子則不受亦不愠也媪謀迎養於家命輿
 凡三往卒不行久之病不支乃擁席蔽臥處諸媪時
 更相診視越二十七日而沒總兵鮑友智施以棺諸
 媪各襚而殮之葬河西義山且樹碑焉

壽婦鄧氏高溪民李永忠之妻自幼歸李為養婦性柔順家

貧永忠貿於外氏率娣姒操作家因以起事舅姑尤曲盡

孝敬子如蘭早世婦蔣氏拊孤守節有傳永忠庶子如楨

氏愛之如己出教諸孤皆馴謹知禮法氏生於雍正四年

至道光六年一百有二歲卒

府志

林氏蔣尚義妻城南承平洞人壽百零二歲方百歲時知

縣光環題期頤慶長額並百印壽圖遺之

和氏何宏能妻福田鄉人百零四歲

唐氏熊文舉妻五世合炊卒年百歲

王氏登仕郎陳汝成母壽百歲

孫氏王有忠妻南鄉大路口人壽百歲

王氏陳士俊妻壽百歲

以上年踰百歲者

唐氏譚爾德繼室性柔順事翁姑有孝行姪萬年幼失怙氏爲拊養成人待嫡子如己出里黨賢之壽九十九無疾終萬年妻蔣氏壽亦九十二南鄉人

蔣氏管相才妻北鄉上木井人幼歸相才姑早逝事繼姑孝謹年二十餘夫遠貿滇南及歸氏年已四十矣生子繼盛旣長教迪甚嚴繼盛後援例受職甚有名行氏壽九十一卒

郭氏王國聘妻生子四夫故教子有義訓弗從則鞭笞之諸子皆成立現年九十四孫曾共二十四人

黃氏廩生王之昌妻生子八昌故氏督課八子皆成學壽九十二楚江墟人

蔣氏盧偉人妻夫亡子隨天年四十餘拊族姪東曉爲嗣旣而姪亦夭復拊其孫旣長令受學爲時聞人氏年九十卒南鄉承平洞人

高氏張光輔妻光輔家故貧以舌耕餬口仰事悉委於氏氏力謀甘旨務得歡心初艱於嗣晚生子明誥未冠而孤氏慈嚴並用卒以成名九十二歲終

羅氏胡廷偉妻性溫淑有賢行歸數年無子卽爲廷偉納妾許氏未幾羅生子惟寶而許竟無出初羅不以嫡自居待許有恩誼許心感之爲拊其子飲食願復皆不以關羅若己所自生者而惟寶亦視許如其母胡故巨冑婦女幾及千人然無不愛敬羅者羅偶病相從省問至室堂不能容及沒皆慟泣若失所倚壽九十六

王氏黃宗周妻生有至性姑病三年服事不勸及沒哀毀

逾常絕而復甦者再壽九十六

蔣氏優增生王金芝妻卒年九十孫曾多列膠庠王成舉人植森其次孫也

陳氏周締交妻年九十終眼觀四代長子壽元年八十七北鄉小木口人

羅氏龍文昌妻卒年九十八子二長世鏡現年八十三次世來現年七十九曾孫十四

羅氏蔣縉妻邑庠蔣崑來母也年九十四卒崑來妻黃氏卒年八十四

石氏蔣步雲妻年九十七子六四入庠孫十九宏烈拔貢魏氏例貢生魯廷舉妻壽九十一

熊氏吳一璽妻豐樂里人壽九十三曾孫十三人元孫五

周氏張一性妻卒年九十六御妾不妒妾生子三長丕烈次顯烈三承烈皆庠生

馮氏唐時泰妻賦性溫和不苟言笑持家勤儉里鄙稱之卒年九十一

羅氏李文藻妻子三孫六曾孫十三元孫四卒年九十三李氏鄉君亮妻事翁姑誠謹姑晚年患風痺凡寢興澣濯皆氏身任之營調食物嘗以手代箸進姑姑久臥思起巡視衣履而足固不良氏則背負之以周迴觀覽姑怡然自適人止如是十餘年弗懈氏年八十六卒家道隆起子孫盛鄉人以爲誠孝之報

唐開朝妻居家勤儉遇貧苦時存振之事翁姑至孝

姑病腫坐臥不安氏時負之行姑意帖然如是者三月氏年八十一卒孫三長綬榮邑庠生城北福田鄉人

楊氏呂道祿妻年五十夫故子至德拙於治生日用不能給氏嘗勤女紅以助之暇則弄孫爲樂嘗謂人曰吾有子若孫豈長貧賤者蓋其識量如此姪至訓者善居積家頗裕氏久之益窘乃攜子若孫往依至訓至訓故好客每燕飲肴饌自內出咄嗟而辦居外者但聞刀砧並作無笑語聲其嚴於率內而勤中饋又如此後子姪相繼逝復撫二孫成立壽八十四卒曾孫緝光癸酉選貢

唐氏耆民朱登九妻福田鄉馬鞍嶺人家豐裕人口亦繁氏處以雍睦內外無間言宅右爲往來孔道見有苦於負擔者輒賃工人送之年八十四卒子四在泮入邑庠

周氏蕭宜之妻事孀姑誠孝其次子德溥爲姑所鍾愛以客外死氏始終不以聞而嘗陰自哀泣家中落氏時出匳金資夫賈既費用更饒乃析爨家人議償其金不受也里婦有家貧守節者尤加意恤之其賢明蓋如此年八十卒陳氏鄭履中妻壽九十一子蓉鏡庠生恩仁廩貢生

盧氏蔣天杭妻初生一子姿體韶秀翁愛之年十五攜與入城乘馬墜地死氏聞號哭昏絕久而復甦貶心委命且爲翁多方解釋後復生二子現年八十一唐氏汪一瓚妻年八十九子四三士秀優廩生繼配劉氏現年八十三孫榮進郡廩生龍光邑增生曾孫繼承炳麟俱邑庠

何氏伍一珩妻舉人伍湖之母現年八十六視履如常城

西蓮花塘人

楊氏魯玉成妻壽八十二先富後貧始終好善不勑每用斗秤輕入重出貧人陰資其利

陳氏把總陶志仁妻質性淑順檢修內職夫性峻急氏曲意相之終身未嘗償事卒年八十七

郭氏李向榮妻大溪塘人年八十五見曾元孫矣知縣李某額其門

徐氏王世榮妻中年夫死家貧自守拊二子成立壽八十八南鄉常定里人

蔣氏福田鄉馬鞍嶺人州同朱肇豐庶母也壽八十三孫曾多列庠

劉氏例貢生胡青選繼室也前室子四氏視若己出釐教

成人現年八十三

胡氏李爾才妻年八十五卒長子廷瑞邑庠生孫曾繁衍有列膠庠者

陳氏劉正先妻現年八十三子炳黎炳照從九品孫田玉監生

黃氏張大旺妻壽八十四季子南金入邑庠孫炎鼎秩皆庠生南鄉涼水井人

唐氏羅春洪妻年八十三媳黃氏 妻年八十六東鄉菱角塘人

柏氏庠生蔣叔質妻壽八十六子懷理婦楊氏壽八十四彭氏蔣宏儒妻現年八十二

何氏潘大富妻現年八十八其娣熊氏大慶妻現年八十

三潘家橋人

黃氏錢四綱繼室現年八十二四玉妻唐氏現年八十二
四倫妻唐氏卒年八十

黃氏監生許繼昌妻助夫施捨日課女紅至老不倦壽九
十一子四孫洪邑庠生

張氏太學生齊仰仁妻現年八十一孫兆熊兆璜皆邑庠
韓氏陳大茂妻夫患癱手足俱痺氏朝夕侍食寢不少離
或遺矢床褥則手除之不以為穢子三次宗禧道光辛丑
從征廣東陣亡氏卒年八十六

李氏例貢唐時昇妻持家有法程閨門嚴肅而慷慨好施
與凡夫所未逮者皆慇懃行之卒年八十六

康氏周仕端妻金灘人壽八十一長子繼光庠生

馬氏貢生蔣銓妻壽八十五

王氏監生蔣叙裳妻卒年八十八

向氏朱世澤妻馬鞍嶺人現年八十二

余氏朱國鎧妻馬鞍嶺人年八十八

譚氏登仕郎唐克善妻現年八十三橫石人

鄧氏蔣崱妻壽八十七

唐氏蔣第妻現年八十二子觀光太學生

唐氏冷水市王治國妻現年八十二

黃氏從九品王紹香母現年八十六冷水市人

王氏嚴三直妻現年八十一龍江橋人

蕭氏張大亨妻現年八十一龍江橋人

劉氏蔣上福妻現年八十八

姜氏王燭妻年八十六

譚氏唐景星妻年八十六

鄧氏高鍾泮妻現年八十五北鄉小木口人

羅氏雷聲久妻現年八十八

何氏雷聲泰妻現年八十一

黃氏羅學進妻現年八十一

馮氏周 妻年八十六

彭氏魏在堂妻現年八十二

郭氏高璞妻現年八十九

譚氏郭有崱妻現年八十二

唐氏蔣開茂妻卒年八十三

謝氏呂鼎榜妻年八十五

楊氏呂周林妻現年八十一

陳氏國學蔣攀桂妻壽八十五名山里人

晁氏國學謝捷三妻壽八十五

楊氏謝奐若妻現年八十二

顧氏彭在銓妻現年八十四

濮氏彭在鎬妻壽八十一

汪氏王大元妻壽八十四

楊氏謝愷妻壽八十八

呂氏謝學耀妻卒年八十八

林氏職員周文榮妻堡里橋人年八十三

李氏何大倉妻年八十一東鄉雒川里人

譚氏庠生陳文純妻現年八十一

胡氏陳學清妻年八十二

彭氏胡大愷妻現年八十八福田鄉人

謝氏北鄉卞長妻性溫靜得舅姑歡卒年八十二

胡氏蔣曰琢妻壽八十二東鄉橋頭人長子宗夔從九品

郭氏翟秉堯妻卒年八十餘冷水市人

蔣氏王道成妻年八十一丁塘人

秦氏伍三桂妻現年八十三

張氏周國楨妻壽八十四三坵田人

周氏唐天祐妻壽八十三

彭氏寇懷恂妻現年八十五子効成都司

胡氏武生唐其陞妻現年八十六

伍氏唐一教妻現年八十一

王氏朱光茂妻壽八十六事節孝姑惟謹夫好施子解簪珥助之子五孫曾蕃衍

劉氏唐昌明妻壽八十七高溪司人

何氏歲貢生蔣生慧妻現年八十

唐氏郡庠生馮漢傑妻卒年八十六

周氏潘功臣妻現年八十七堡里橋人

秦氏蕭步雲妻卒年八十五孫二十曾孫三十三

陶氏胡上應繼室現年八十三

何氏彭啟鐸妻年八十二北鄉楊家巷人

張氏例貢生唐遇時妻現年八十一

唐氏顏添梓妻高溪北安里人現年八十五

唐氏蔣朝炫妻現年八十三南鄉烏鴉山人

黃氏毛名錦妻現年八十一

孫氏秦世元妻壽八十六

秦氏馮五明妻孝弟鄉人現年八十

陳氏秦明儀妻年八十三

尹氏胡國璽妻現年八十二北鄉小木口人

劉氏汪永昌母現年八十一

陳氏張玉明妻現年八十二

劉氏王道洋妻年八十西鄉丁塘人

李氏鄧伯祥妻年八十一

何氏劉安定妻卒年八十六

伏氏胡三鐸妻現年八十四

蔣氏李昌瑛妻夫早故氏年八十二

陳氏梁謙泰妻現年八十九郡城人

鄭氏龍利普妻卒年八十二

唐氏白鉉妻卒年八十三

龍氏韓炳周妻現年八十

劉氏孫紹朋妻眼觀四代現年八十八

周氏唐元愷妻年八十七子一孫時俊軍功六品

唐氏賀昌瑛妻現年八十一

蔣氏嚴正敏妻現年八十子則存國學

曾氏蔣崱妻現年八十子存臣庠生

唐氏郭文祿妻樂善里人現年八十

孫氏呂周雲妻現年八十

鄧氏張忠燦繼妻現年八十

周氏汪永禹妻卒年八十六

蔣氏汪永鳳妻現年八十

謝氏李瑞鸚妻現年八十二

鄧氏唐仕藿妻卒年九十餘

周氏許瑞玉妻年九十五孝弟鄉人

黃氏徐世煥妻年九十一

羅氏蔣行術妻現年九十三

熊氏周恒發妻現年九十二

馮氏秦在政妻卒年九十五孝弟鄉人

陳氏楊尚光妻年九十四

劉氏楊春良妻年九十六

羅氏楊春輝妻年九十四

蔣氏周 妻卒年九十三

唐氏譚昌應妻年九十九

劉氏熊正仁妻年九十四

秦氏郡庠生熊春現母年九十七

屠氏賀能仁妻現年九十二

宋氏呂開鑑妻年九十六

李氏呂賢煜妻年九十二

劉氏汪宗文妻年九十一

沈氏張本盛妻現年九十二

鄭氏顧忠舉妻現年九十名山里人

唐氏楊維遠妻年九十三楚江墟人

夏氏國學胡承坤母年九十六梅溪洲人

陳氏周天才妻年九十二

曾氏吳調元妻年九十六孫曾六十餘人

何氏陳貞陞妻現年九十四

何氏王化浩妻年九十七子鍾秀庠生

蔣氏曾順陞妻現年九十八子汝翼庠生

夏氏張時順妻卒年九十一

陳氏金五培妻年九十一孫玉堂玉潤邑庠生

艾氏監生馮正蘭曾祖母卒年九十六高溪人

鄧氏黎士首妻卒年九十五

劉氏蔣學富妻壽九十一

胡氏張高騰妻壽八十六

王氏朱光坤妻壽九十四

黃氏許定湖繼妻壽九十一西鄉慶源里人

馬氏熊世楷妻壽八十四卒高溪司人

謝氏唐元佩妻壽九十四

李氏陳三佑妻壽八十四

魯氏彭中豪妻壽九十一子振友極孝

陳氏李一發妻卒年九十六

劉氏蔣尙發妻卒年九十六

唐氏陳有尙妻卒年九十二

毛氏胡一湯妻卒年九十九

秦氏張洮妻卒年八十八

唐氏文鑑妻卒年八十八

鍾氏王道洽妻卒年八十八

韓氏唐昌厚妻卒年八十四
 謝氏蔣白雍妻卒年八十三
 劉氏吳炳禮妻卒年八十三
 羅氏周復倫妻卒年八十二
 魯氏胡其雲妻卒年九十一
 劉氏李三彬妻卒年八十一
 唐氏王尙殿妻現年九十六
 蔣氏周開享妻卒年八十一
 秦氏伍三桂妻現年八十六
 李氏胡山名妻卒年八十一
 喬氏朱世淮妻現年八十四
 程氏唐得義妻現年八十二

零陵縣志卷十二

事紀 兵制 寇變 祥異

我

朝威武奮揚修飾戎備凡關塞衝阨之處種落叢錯之鄉
 莫不設重兵以鎮撫之專闢建身歸然蕃表稽儲威銳
 式遏覬覦寇騎騰凌迄不獲逞循其守戰之方固有資
 於懲誌者矣祥異之說蓋援漢天文五行之義古今理
 亂興替之機所繇著也夫黃霸善政而鳳皇至張堪致
 誠而火災息本人事以洽天心其靈感冥應允事理之
 大可據依者備彰幽渺鑑僞方來固宜不廢斯義

兵制

永州鎮中營中軍游擊守備駐劄縣城其管轄有右哨千

總署游防西南陸路左哨頭司把總署游防東北陸路右哨二司把總署無簽差護解右哨頭司把總署無協防差遣左右頭貳司額外外委存城兵二百九十一名其分防縣屬有冷水灘汎左哨頭司外委千總領防兵三十八名十馬舖汎右哨頭司外委把總領防兵四十四名其右營分駐縣城者有左哨頭司外委千總往來差遣領兵四十六名永州鎮標中營乾隆時原額馬步戰守兵丁七百四十九名嘉慶五年移撥鎮鎮名糧五十分嘉慶九年移歸保靖芭茅坪名糧六分嘉慶二十年移歸嶺東營名糧六十三分道光十三年裁減馬步兵十三名道光二十五年移歸耒陽兵丁二名道光三十年移歸新平營兵丁三名咸豐五年裁馬改步兵九名同治三年裁馬步戰守兵丁一百

二十三名現存兵丁四百九十四名內除邵陽一百零七

名東安五十八名其屬縣內者共三百二十九名

教場 在正南門外明景泰庚午命事張輓重修有演武亭

餉巨細之政皆為綜理下今二年念自正統己巳前庚寅

當事封章未息繼值武岡內寇陰捕邊患浚不巳事繁於

轉運糧餉而有命下與剿賊提兵或不任者聽劫之遂督

告予曰此將領軍會合大能守其鄉人武生願為一

一居方謂者入其日天降四顧不勝其勇之能也

心領德蓋似有所得再索而思之其不勝其勇之能也

取而試之明且武化無方之妙不勝其勇之能也

之請諭以進退申以號令有文武之分觀力知武以

第更變亦三十二陣起於天官於門於外於內於變

第更變亦三十二陣起於天官於門於外於內於變

相生不已仍分大小三十二陣通計九十六陣各因其勢而立名時諸將以苗夷聽撫軍皆不至且撫苗者伏于所領將士饋餉數多彼苗遂始為腹撫者予不此行則苗皆妄必復為患就以所領苗軍於寶慶操習布其七陣又於衡陽亦布四陣第恐承平後造永合彼軍民練習與苗接壤如今春相煽恐甚速後屬三十六處源源與苗布一十五陣特書演武二字於亭以勸士卒自守備官以下皆曰源洞之苗往往買易於此觀此軍容之盛陣勢之奇將必蒙有威伏而苗民亦不敢肆矣

也因而告曰予所以用苗者其法也苗民之安者實欲以荷其能哉兵法曰百戰百勝不戰而勝者善之善者也雖不戰而勝者善之善者也苗夷畏服歸化遂以苗民之安者實欲以荷其使苗夷畏服歸化遂以苗民之安者實欲以荷其

政司參政徐德修司參政程志學儲永州府知府侯昌之請姑述此以記云時大明景泰壬申冬十月庚子奉敕巡撫湖廣資政大夫都察院右都御史李實記

會哨 東陸路與甯遠交界之響鼓嶺會哨 南陸路與道州交界之出水巖麻灘二處會哨 西陸路與東安交界之義勇橋會哨 又與廣西全州交界之丫岔嶺並棗木嶺二處會哨 又水路與東安交界之曹家壩水汲江

二處會哨 北陸路與祁陽交界之界牌會哨 又水路

與祁陽之滴水巖會哨

塘汎 東陸路 雙江橋塘朱家亭塘大河東小陸路 郵亭

俱平易各置防卒二名 南陸路 皮鋪塘龍泊鋪塘翠江

鋪 俱平易各置防卒二名 西陸路 楓木鋪塘雙排鋪塘

磨車鋪塘石溪鋪塘 俱衝要各置防卒四名 西小陸路

土馬鋪塘獨田鋪塘 北陸路 永泉鋪塘梁木鋪塘陳

鋪塘平易置防卒二名 北陸路 眉鋪塘梁木鋪塘陳

橋鋪塘 俱衝要各置防卒四名 北小陸路 墟塘 係市鎮

置防卒二名 西水路 任村鋪塘 通粵衝要各置防卒三

名 北水路 畧江口塘木瓜埠塘黑狗灘塘高溪司塘俱

湘水上游衝要各置防卒三名 分汎 冷水塘近城頭塘俱

湘口要隘各置防卒四名

寇變

漢

和帝永元四年零陵蠻與武陵澧中並叛

安帝元初三年零陵蠻羊孫陳湯等著赤幘稱將軍燒官署鈔掠百姓州郡募善蠻討平之

桓帝延熹五年夏五月長沙零陵賊起攻桂陽蒼梧南海交趾遣御史中丞盛修督州郡討之不克八月零陵蠻復叛以馮緄為車騎將軍將兵討之賊悉平

七年秋七月荊州刺史度尚擊零陵桂陽盜賊蠻夷大破平之

八年桂陽胡蘭朱益等反寇零陵太守陳球遣中郎將度尚大破斬之

中平四年零陵人觀鵠自稱平天將軍寇桂陽長沙太守孫堅擊斬之

獻帝建安三年零陵太守張羨率劉表攻零陵克之二十四年吳寇襲荊州零陵等郡失守

後帝延熹二年冬十月吳蔣祕部將廖式反攻零陵諸郡遣呂岱唐咨討之

十八年吳陸凱討山賊陳欽於零陵斬之

晉 惠帝永甯二年義陽蠻張昌反攻陷江南諸郡零陵太守孔統拒寇死

懷帝永嘉五年春正月湘州流人杜弢據長沙反南犯零陵陶侃等討之弢將杜宏詣零陵太守尹奉降

夏五月益州流人汝班梁州流人蹇撫作亂於湘州虜刺
史荀眺南破零桂諸郡

愍帝建興三年陶侃周訪等平杜弼

東晉

安帝元興二年秋九月桓元自爲楚王領十郡零陵陷於
元

三年桓元伏誅

義熙元年劉毅斬僞零陵太守劉叔祖於臨章

二年冬十二月盜殺零陵太守阮野

乾元元年西原蠻叛至是進攻永州

二年西原賊寇永邵二州城陷尋棄城去

梁

高祖大同九年零陵莫徭蠻平

元帝承聖元年冬十月湘州賊陸納反十一月陷衡州刺

史丁道貴走零陵十二月營州刺史李洪雅舉兵自零陵

討納不克詔使王僧辯陳霸先討之

唐

元宗開元十二年發永道等州兵征蠻

代宗廣德二年西原賊進寇永邵兩州城陷尋棄城去

僖宗乾符六年秋黃巢破廣州北還自桂州下衡永李係

大敗是歲湘南饑溪崗諸蠻皆剽掠

昭宗龍紀元年零陵人唐行旻殺永州刺史鄭蔚據其城

光化元年夏五月馬殷陷永州刺史唐行旻死之

周

世宗顯德三年湖南蠻獠爲亂聚眾十餘萬至周行逢時數出寇邊逼辰永二州殺掠無甯歲

宋

潛祐四年秋七月盜發永州東安縣詔飛虎軍正將吳龍統制鄭存等討捕之

景定元年蒙古兵破永州

端宗景炎二年羅飛起兵復祁陽圍永州七月不克

元

世祖至元二十五年湖南盜詹一仔誘衡永寶慶武岡人嘯聚四望山爲亂行樞密院劉國傑破平之

二十七年寶永寇入新甯秋八月永州盜李末子于七寇全州殺長官劉國傑討斬之

惠宗至正八年峒寇薄永州總管木撒戰卻之

二十四年冬十月元左丞鄧祖勝棄衡州城走永州

二十七年秋寇亂永寶中書左丞奉命討平之明年餘黨又作檄宣慰副使楊昭勇督師又平之

二十八年明洪武元年春楊璟取永州路夏四月丁巳克其城元左丞鄧祖勝死之

明

太祖洪武七年夏四月壬寅金吾指揮陸齡討永道諸州蠻平之

世宗嘉靖二十七年連山賊李今與賀縣賊倪仲亮等出沒衡永等州兩廣總督張岳會湖南兵討平之

三十三年衡永寇起

莊烈帝崇禎十年臨藍寇起破祁陽城犯永州守道蔡官
沿拒於湘口兵潰殺掠居民出東安水道入廣十一年復
犯永州尋轉入道州

十六年秋七月朔馮異追祁陽王禋泚犯永州焚劫城外
民舍數千家署永州守吳晉錫率唐緒等討平之

八月流賊張獻忠寇衡州巡按劉熙祚奉吉王慈燿惠王
濟瀾桂王常瀛奔永州獻忠自追之將偪永熙祚命中軍

護送三王入廣西過石磯跼賊追及兵巡道中軍王上庸
力戰死之庚辰永州陷熙祚死之零陵諸生唐虞一陳純

忽赴廣西告急總兵楊國成率師復永州丁亥 大清兵
克永州設知府守之明副將周金湯夜乘虛襲城知府走

國朝

順治元年明何騰蛟巡撫湖南尋進總督表堵允錫傳上

瑞為巡撫令嚴起恒督衡永二郡軍食四年大兵克永州

設官招民湖南悉定

五年秋七月明何騰蛟攻永州故御史劉興秀為內應事

覺死之冬十月明兵破永州 舊志粵兵七月十七日圍城至百餘日無援餉盡兵食城

中居民殆盡時巫童蔣應賢代父為兵所食

六年李赤心掠衡永走廣西

秋八月大兵至永州明周金湯熊兆藻立柵大松橋拒戰

敗之下其城

十年春二月明李定國率將馬進忠攻永州三月大兵擊

明降寇孫可望於寶慶復自永州逆擊之遂及馮雙禮大

戰於周家坡可望與雙禮合軍大兵分路擊敗之可望遁

走貴州冬十二月可望將賀九儀復陷新甯武岡永州戒嚴

康熙元年冬十月富川恭城猺賊寇永明江華永州大震

三年正月猺賊廖文胆遁入白雲巢 詔楚粵會討湖廣

總督張長庚檄永道兵夾擊之夏六月平

十三年二月吳三桂陷長寶衡永郴諸郡

十四年春三桂索民布繡器物供其軍夏六月預徵丙辰

年地丁賦秋七月徵漕南米解萍鄉賊餉

十五年三桂重徵民賦並索棉豆粟米及船馬夫

十八年三月大兵復寶慶吳國貴等遁永州將軍穆占敗

之遂復永州舊志三月逆兵大隊至永民逃於澹山巖右側暗巖內近八百人為逆兵縱火燬死無存

者是時逆寇焚擄編田鄉居民避居於小木口山中適淫雨如注凍飢而死與被擄者千有餘人又永東鄉居民因

心擄掠逆逃於壽塘巖逆兵以火攻之死無數下辛樂居民避亂於梅江之上逆兵追殺甚迫男婦赴江死者近

千人

二十六年永州大旱猺民多劫掠

道光十一年冬江華猺趙金龍叛除夕警至時承平日久

驟聞亂多惶猝無措士民競逃避之

二十六年甯遠雷再浩藍元曠滋事邑城戒嚴

二十七年新甯李元發叛邑城警

咸豐二年粵匪洪秀全由全州犯零將薄城以大水不得

渡乃捉隊屯河西時總兵孫應照知府徐嘉瑞知縣胡廷

槐等督兵堵西城賊列陣愚溪橋與相敵一賊酋衣黃者

方踞馬上指麾城上兵然大礮擊斃之諜知為偽東王某

賊既奪氣又以大水難驟退遂去道州邑城解嚴時惟西

境辛興隆慶及南境進賢鄉各里當賊衝者爲所擾餘皆安堵如故賊旣去大學士寤尙阿統軍駐永凡數月三年三月東安土匪周宗聖零陵土匪劉某起事於月塘遊擊安長太往捕斬之九月東安土匪周大武零陵土匪魯維華唐三瞎子等鈔掠邑西鄉一帶知府黃文琛遣遊擊駱元泰訓導舒時煜擊平之

四年紅巾賊朱洪英陷東安邑西鄉爲所擾時道甯承江新各邑土匪皆隨起而甯邑匪酋陳二黃二復竄邑辛樂洞焚燒劫掠居民多被其害次年始平

五年粵匪黃金亮陷江華永明邑城戒嚴

七年黃金亮馬廷科陷新安圍全州邑城戒嚴

九年粵逆石達開率眾數十萬窺永州先是石逆自金陵

分黨擾江西南安一帶蹂躪殆徧無能搜其鋒由南安直趨楚邊二月十四夜永郡得警報賊由桂東破桂陽郴州宜章等處電驟馳晝夜奔竄知府楊翰知其必注永州卽夜會署總兵侯光裕力籌戰守之策時永無一軍所有府勇五百名先已出防計賊旬日必到城下適東安合李右文在郡言新甯有在籍候選劉道長佑江守忠義練軍數千人乃巡撫駱公秉章雷備調遣又有余星元楊恆升李金陽各軍俱去永不遠迅卽飛請檄援永州派都紳分往各鄉召募卽日得千餘人發給廩穀餉錢入城固守部署甫定三月初三日賊由白水嶺薄郡城知府見事急與侯署鎮約侯守北門知府與守備駱元泰守東門千總方振鵬守南門餘四門隔水尙無慮是日烽火亘天知府與

闔邑士民誓死守男丁無老幼悉登陴婦女守門戶燈火
達旦聲威甚壯黎明賊至城下逼城而壘旗幟列東北無
數如林木然遂三面環攻時城中兵勇纔千餘堵守多缺
然抵死無懈志向賊眾施大礮擊斃數人又斃大旗賊目
一人賊稍退知府合敢死數十人用火彈燒賊踞民房不
與戰用雲梯接歸城上來追賊以礮擊之賊伏不動初五
日風雨大作燈燭盡滅望城外茫茫如墨海賊狂叫圍攻
萬分危急知府楊翰望黃溪神叩禱令守城者各手一燈
立勿動時寒噤人顫栗不能支知府告以生死關係此時
以故人人自奮但聞槍礮聲與風雨聲相逆擊怪鳥呼號
徹旦聲甚厲賊不敢近未幾天放明而風雨止賊亦退却
知府復捐錢五百千令知縣施濟捐錢百千勞軍士人益

樂爲用初六日賊復攻愈聚愈眾援兵尙未至惟堅守不
戰以待諸軍而已初劉道長佑奉撫檄令所部迅赴長沙
調遣得永州告警信已開行至祁陽值郡城危急正游移
間縣令劉達善力挽至郡詞意迫切至泣下劉乃候諜者
至以定行止適卸任道州署岳州府馮崑率檄赴道州防
禦晤劉道亦以永州爲楚南門戶當顧大局而謀者至知
郴桂之賊已全注永州又同以軍事當相機宜之說進劉
道始定計赴永遣營務處江忠義督帶一軍於瀟湘合流
處固紮以制賊勢並防擄船下駛令都司王順慶帶勇三
百先入城初七日至城下人皆驍健民心稍安初八日奈
楊二軍亦至城外列營與守城兵勇作犄角勢人心益定
而劉軍亦至接履橋營務處江忠義所部屯江口以缺食

不能力戰知府乃爲饋錢四千緡米數百石各軍始會合
初九日望見白旗徧布山野知劉道大軍自接履橋與賊
大戰獲勝徧賊營而壘然賊眾實繁有徒層層圍裹無少
間知府乃以五十金付兵丁周德恆被髮覺水渡河與諸
軍訂十二日大舉出賊不意衝突掩擊知府復揮守城兵
勇自後擊之賊大潰欲渡河奪路而奔適李金暘率勇來
自甯遠行至香苓山突與賊遇力擊之賊猝不及防大敗
自相擁擠兩岸又列礮排擊轟斃與溺死不計其數尸蔽
湘水飄流不絕直至衡州下抵長沙人皆見之十三日餘
眾悉遁石逆乃全股犯楚其布於二三十里外聚如蟻行
如繩數日不絕我軍復分隊追賊悉獲勝凡先後殺賊數
萬生擒數百人均斬之石逆及賊在後者退屯辛樂洞分

眾爲二竄竄慶祁陽又分擾各縣雖東安永明江華各遭
踐踏然賊已受大創去矣是役也邑紳好事者司軍儲支
發則有周紹邠李榮賜李炳何若泰孫克昌齊勇防堵則
有曹世興程繼新屈葆欽程凌雲而趙履祥先期赴西鄉
募勇三百聞警疾馳而至助守之力爲多事平各分別請
叙賊復由甯遠斜竄寶慶我軍躡追之所以不敢直趨衡
州窺長沙者皆零陵一戰之力也

祥異

漢

哀帝建平三年僵樹三月復起

五行志零陵有樹僵地圍

其本長九尺餘皆枯
三月復起立故處

後漢

後漢

後漢

祥異

仁

世祖建武十年十二月大流星如缶出柳西南入軫省志本五

行志舊志入之蓋以永州主軫十一度也惟兼及冀軫者不載

肅志建初三年獻芝草常在唐志漢章帝建初三年零陵人傅寶甌玩瓠雜宅土中產芝

五本長者只有四五寸短者七八寸莖葉紫色太守沈

鄧遣門下掾衍盛以獻帝帝悅賜緡錢衣食五年復生

王元彌志不載復生事宋書沈約自序云鄧守零陵致

四年甘露降常在王元彌並云隆泉陵洮陽冷道始安四縣几榆柳梅李皆治薄流漉民吮之甘如蜜

五年獻芝草宅上六本狀如芝生周服

八年黃龍見伏侯古今注曰見零陵泉陵湘水中相與戲其二大如馬有馬六枚大如駒無角

舊府志零陵湘水去邑七里曰燕室邱臨水有狹山其下崖淦深不測二黃龍見長十六丈身六於馬舉頭顧望狀如畫龍燕室邱民皆見之去龍可數十步又見如駒者大小凡六出水游陸上蓋龍子也移時復入水中

和帝永元七年八月水土金星三星在軫十二月三星合軫

陽嘉四年閏月朔日有食之史官不見零陵以聞

蜀漢

後帝延熙二年吳主赤鳥二年春三月甘露降宋書引作元年今從吳志

九年赤鳥九年冬十一月彗星見軫長一尺積百五十六日滅晉書天文志書魏主芳正

始七年

十六年吳主亮建興二年冬十一月彗星見軫百九十日乃滅

炎興元年吳主休永安六年夏六月黃龍見見吳歷是歲漢亡

吳

寶鼎三年春正月彗星見軫青白色晉志泰始四年正月景戌

鳳凰三年冬十月有星孛於軫晉天文志

晉

世祖太康元年春二月白鹿見秋七月縣令蔣微獲白鹿

以獻宋志王元弼志

九年黃龍見芝草生王元弼志云時沈林為太守

惠帝元康六年夏大水八年秋復大水

懷帝永嘉九年秋九月湘州地震

東晉

中宗大興二年夏四月地震王元弼災祥考

三年冬十一月木連理生王元弼誤作十一年

成帝咸和四年五月白鹿見獲以獻

康帝建元元年秋八月丁未太白犯歲星在軫

穆帝升平元年夏六月太白晝見軫

五年春三月月犯填星在軫

太和帝四年閏月乙亥月暈軫

孝武帝太元十四年秋九月太白晝見於軫

十九年秋七月荊州大水傷稼遣使賑卹之九月景寅太

白見於軫

安帝隆安三年桓元叛荊州桓元之國在荊州詣刺史殷仲堪行至鶴穴逢一老公驅

青牛形色瓌異躡為爾類軼元以所乘牛易取乘至零陵涇溪駿駛非常息駕飲牛牛入江水不出後元敗

元興二年雞生角雌雞化雄

義熙元年秋七月太白晝見在軫

宋

文帝元嘉元年秋八月獻嘉禾異畝同穎

冬十二月丙辰白象見

大明元年夏六月白雀見獲以獻

明帝泰始二年夏六月白燕見獲以獻

世祖永明五年夏六月甲子歲星蓋見在軫度

隋

高祖開皇元年得瑞石理成楊樹王邵傳永州得石圖剖為兩段有楊樹之影黃

根紫葉

唐

突位十一年周武豐長壽三年改延載元年秋九月壬午朔日有食之在

軫十八度

元宗開元九年九月己巳朔日有食之在軫十八度

貞元二年秋八月朔日有食之在軫八度

八月丁丑歲星太白辰星聚於軫

憲宗元和元年春正月地震二年大水郡人唐履昌獻古

鼎重百二十斤

四年江螭為患柳宗元有螭文見本集螭本無歲月但按其文日歲既大旱則在三四年之間

可知

七年火災日夜屢發三月乃止八年夏復災有怪鳥自火

出司馬柳宗元率人除之宗元有逐畢方文見本集

十四年秋八月丁丑太白辰星歲星聚於軫

文宗太和六年冬十月太白熒惑填星聚於軫

開成三年冬十月乙巳彗星見於軫魁長二丈餘西指

武宗會昌二年夏六月熒惑犯歲星於軫占曰旱

僖宗乾符三年秋九月乙亥朔日有食之在軫十四度

明宗天成三年秋九月辛巳金火合於軫五代史司天考

宋

周恭帝顯德三年冬十月壬申太白熒惑相犯於軫

太祖建隆元年一作二年乾德三年文氏女子化為丈夫年事

太宗太平興國二年淫雨舊府志是年淫雨平地水深數尺

八年獻六日龜舊府志王元弼蔣濂各志俱云至道元年零陵復獲六眸龜一

雍熙二年秋七月丙戌熒惑與歲星合於軫

淳化元年春正月辛巳客星出軫宿逆至張七十日經四

十度

夏四月監軍解芝草生知州克憲以聞蔣濂志作監庫

四年春二月保安津舍火州門焚宋五行志津舍火飛烟過江燒州門又民屋三

百餘家

大中祥符四年冬十一月丁巳有星出太微郎位東色赤

有尾迹至軫北逆為數星没

天禧二年春正月大風雪王元弼志云江溪池魚皆凍死宋五行志大雪六晝夜方止大

風發屋拔木數日止

三年夏六月軍營火延民舍數百區

仁宗天聖七年春二月己卯夜蒼黑雲貫軫分

皇祐元年春三月庚子星出軫西南速行没於翼

至和二年旱時郡守柳拱辰禱之節雨

四年夏五月己酉星出大角至軫没

五年秋閏八月己亥太白犯辰星在軫冬十二月己卯夜

漏未上星出軫至氏側没

八年春正月辛酉星出軫赤黃色東南速行入庫樓没

神宗熙甯元年夏四月壬寅星出軒轅南如太白東南慢

行至軫没赤黃有尾迹六月乙巳星出軫東緩出入濁没

青白有尾迹照地明

三年春三月己未星出軫北如太白西北慢行至明堂沒
赤黃有尾迹

七年六月甲戌蒼白雲起西方長三丈貫軫角太微

冬十月丙子星出軫東如杯流至濁沒赤黃有尾迹照地
明

八年冬十月乙未星出軫度中如壇青白丙申西北生芒
長三丈指軫若彗

元豐三年夏五月戊辰星出軫中如太白西速行至濁沒
赤黃有尾迹照地明秋七月癸未彗出太微垣郎位南白
氣徑丈指東南在軫度中

哲宗元祐元年春正月癸丑透雲星出近軫南如太白東

南急流至濁沒青白有尾光燭地

三年春正月辛巳星出軫南如杯急流至濁沒赤黃燭地
元符二年夏五月小旱

崇甯三年夏四月戊甲星出軫如杯西北慢流入太微垣
內屏星沒赤黃有尾迹明燭地

大觀元年夏四月辛未星出軫如盂向西南慢流入濁沒
青白有尾迹明燭地

宣和二年夏四月邑民劉思柝薪有天下太平字

五年春二月星出北河如杯東南流至軫沒赤黃有尾迹
照地明

欽宗靖康元年二月丙辰星出北河如太白東南流至軫
東沒赤黃有尾迹照地明

南宋

高宗建炎三年春二月壬午月食於軫

紹興二年夏四月壬申月暈於軫

三年春二月大疫

四年春三月壬戌日暈於軫

二十年秋九月戊子熒惑與太白合於軫

二十五年秋九月壬申太白填星合於軫

二十六年秋七月庚申熒惑填星合於軫壬戌太白與熒

惑填星合於軫

三十年冬十二月戊申白氣出尾入軫貫天市垣

孝宗隆興元年冬十一月庚寅星出軫急流向東南騎官

星沒赤黃有尾跡大如木星

乾道二年夏六月丙午星出角急流至軫沒有尾跡大如

太白色赤黃

淳熙元年冬十月乙丑太白歲星合於軫

二年夏六月丙寅熒惑歲星合於軫

六年旱

七年秋大旱饑通考四月不雨至於九月又螟

三年秋八月乙亥朔日月五星聚於軫

十四年夏四月癸未歲星填星合於軫

甯宗慶元元年民產子首有角腋有肉翅

二年秋八月民舍火燔三百家

嘉泰三年大饑死徙者眾民多剽盜

嘉定七年春三月壬申星出軫宿距星東南慢流至濁沒

十五年夏五月丁丑彗孛歲星合於軫

十六年春疫大饑有蝗三月詔發米賑之

秋九月庚子朔日食於軫

潛祐四年秋九月癸丑彗孛填星合於軫

十二年秋七月庚寅太白熒惑合於軫

元

世祖至元三十一年冬十月己酉太陰犯軫

大德十年秋七月饑減直糶米

仁宗延祐元年夏六月饑發廩減糶賑之

二年秋七月霖雨注漲沒田稼出米減糶

冬十一月丙午客星變為彗犯紫微垣麻軫至璧十五宿

三年夏五月饑發米賑糶

文宗至順元年秋七月螟食稼

惠宗順帝元統二年秋八月乙巳孛星出紫微行至軫

至正十二年大旱

十四年大旱

二十七年春二月乙丑城中晝晦如夜既而大雨雹逾時

方明

明

太祖洪武十四年秋縣署前榴二株有連結四五實而並

蒂者

成祖永樂七年夏火舊志明
年復火

英宗正統十四年秋九月壬寅太白填星熒惑聚於軫

景帝後稱
代宗景泰二年秋九月庚申太白熒惑填星聚於軫

天順二年饑

武宗正德二年慶雲見於翼軫

四年秋九月夜雨桂子

舊志桂子狀如阜莢子堅如石叢葉吐如橄欖長五六寸即萎

八年大水傷稼

世宗嘉靖元年夏五月大水入城廬舍田禾滄沒幾盡

十六年夏五月澇傷稼

此事王元弼蔣濂皆書十五年丁酉按丁酉乃十六年也後以庚子為十八年辛丑為十九年皆誤今改正

十八年大旱時永守趙儒禱雨立應

十九年大水二十年又大水

三十七年秋有黑膏

舊府志王元弼志誤作三十六年新舊省志誤作三十七年舊府志零陵災祥先是黑氣從道州以上來莫知所起其狀忽螢忽猿觸之多死居民惶懼夜不敢臥金鼓之聲徹夜只

餘乃止

萬曆七年旱

八年大饑

十七年大旱

舊府志時升米錢三十文饑饉以年為饑餓死無數府縣煮粥賑之

二十年五月五日競渡人立浮橋如螳橋斷盡溺

二十二年大旱

二十五年大水入城

舊府志云城中通舟楫縣治皆沒三日夜乃退

二十六年秋七月火

是時焚府城高山寺

二十九年黑眚復見三月乃止

舊府志誤作二十八年辛丑按辛丑乃二十九年也

冬天火日數十起

時延燒數千家文昌等廟俱燼中一取之俱焚市人謝姓下取屍復不出掘之身已糜矣豈陽氣下伏火後有熱焰觸人耶

事考系志

卷十二事紀

祥異

七

三十年大旱

四十四年春夏蝗復大水

四十五年蝗夏四月復雨桂子

四十六年夏四月日中有黑子秋九月乙卯彗尤旗見於

東南東至軫西入翼一十九日而滅冬十月彗星見三十

四日舊府志彗形如刀漸巨後漸微

四十七年蝗冬十月雷

熹宗天啟四年夏大旱有譌火日數發譙樓災燔民舍數

百戶多死於火

莊烈帝亦稱毅宗烈皇帝懷宗端皇帝崇禎三年夏六月大旱

四年地震

十三年地震大水秋九月望兩日出沒

十五年六饑知府貸米富民以賑詔蠲逋糧

十六年大疫

丙戌夏大旱

丁亥春大風拔木

夏四月雨雹損麥大饑王元弼志時斗米萬錢擬賑米道

六月火是月守吏居民俱遁城內空

國朝

順治五年間天裂有聲

己丑六年夏五月大水

壬辰九年春淫雨夏大旱饑民食竹實

癸巳十年冬大雪四十餘日不止民多凍死

十一年大有年

十四年旱饑

十六年夏五月大火兵營民舍皆燼秋九月大疫

康熙元年春三月雨米色黑食之已疾冬十二月大火舊志

是月二十九日火燔黃葉渡飛
過愚溪橋災如宋咸淳四年事

三年秋旱冬十月彗星見於翼軫麻十七宿月餘乃止

四年春民饑竹盡實如麥民食之多活夏大旱

七年春正月白虹見越二日乃滅二月復見王元弼志正月

復見於申方二
月初七夜復見

十二年冬十月有譎火畢方鳥復見

十四年冬李實如豆

十六年夏蝗食稼殆盡

十七年春二月雨雹大風拔木

十九年冬十一月彗星見踰月乃滅

二十年春淫雨夏旱冬十月雷鳴

二十一年春三月雨雹夏五月大水傷稼

二十二年秋大稔

二十五年歲饑

二十六年大旱

二十七年歲歉粟貴

三十年秋大稔

四十五年秋大稔

五十二年湘水漲溢米貴

五十三年夏旱秋七月甘雨降禾菽仍大稔

五十九年秋大稔

雍正三年甘露降松樹省志

乾隆十二年夏大水衝塌民屯田地

二十五年夏旱 詔賑卹之是年先已散賑後復加賑二月冬梅結實

三十年米貴

三十四年九月大雨雪魚鳥皆凍死

四十三年大旱饑

四十四年蟲傷稼

四十五年自九月不雨至明年三月省志

四十七年春三月地震山谷多圻裂

五十年四月不雨至於七月

五十二年地震

五十六年冬大凌

五十九年夏大水入城民居漂蕩禾稼盡沒巡撫姜晟勸

奏 詔加兩倍賑卹之時城中水深丈餘近河鄉卹水俱浸沒可通舟楫巡撫臨勘具奏

嘉慶三年冬大凌木介

六年夏米貴

七年自四月不雨至七月

十二年夏四月不雨至於秋七月

十三年夏米貴每升錢六七十文發粟減糶

十五年秋饑

十八年有女子化爲丈夫

十九年春正月雷大雪夏米貴民多疫

道光元年春正月大雪平地高五六尺夏淫雨甚寒民多

疫秋有年

四年夏大水

六年夏大水樹木廬舍多順流漂下

七年秋有年

八年春正月雷大雪夏小旱秋有年

九年夏大水

庚寅縣前街火頭門內外皆燬知縣王景章以民居近署圍去數十家

辛卯夏日色忽暗望之若有兩日相盪磨狀月餘沒

乙未夏數月不雨蝗飛蔽日歲大饑斗米五百餘

戊戌冬大街火延燒三百餘家

丙午大西門外附郭數十家火

庚戌歲饑

咸豐元年十二月有白鳥數千飛集治平門外洲上一洲皆白既更飛集白蘋洲樹頂望若積雪久之乃去識者以爲兵戈之象明年粵逆入境四年八月二十二日有白鳥數千向西飛去首尾相銜結成一白龍日光照耀鱗鬣宛然未幾有西鄉土寇之變

四年冬十月上辛里桐樹發新枝作刀兵形

七年旱饑秋蝗自北至遺卵入地次年三月蝗出食秧苗官紳捕焚並修葺醮一夕大風雨蝗盡滅

八年月夜西北方青氣一道如虹三夜乃息八月彗星見西北方光射丈餘一月始滅

十年大街火自永安門至鼓樓延燒數百家

十一年北鄉大木口月夜有物自天而下色白狀如牛而

大墜田中激水高丈許趨視之陷一穴深不可測又有狐入城自縣署前至正街凡強健者皆爲所迷恣其採取數月始滅跡

同治元年秋日方午有大星墜於西鄉雷家冲田中大如斗而圓色白其聲旬旬久之化爲水

二年北鄉唐某家有二女妖据其樓令某日供一雞並其童媳執役否則怒欲火其廬有時曼聲度曲了了可聽其縵紳其多隱隱欲以玄冠恐之比入門妖則大聲詬詈盡發其覆紳窘而去數月妖亦杳

三年民家雞翼多爲邪術翦去未幾雞亦自斃剖之胃有小蛇大饑斗米錢八百

四年三月十一日大風拔樹單江某婦攜子山行爲風吹

至隔江石崖上幸無恙東鄉油草塘一屋亦吹去數里露大如卵

五年小西門內火城樓皆燬知府黃文琛捐修之

六年麻江單江多虎傷人二百餘 北鄉大木口小木口雨雹深山中雨水塊有狀如觀音者

七年北鄉郭有利家母屍產三子一爲肉團一兩頭一身一一目夏有虎自城北關處入總兵朱洪章轍斃之

十年南鄉涼水井張氏治屋基其地忽現一穴中出白氣三日乃盡次年二月門首田水噴激高丈許如相鬪狀十二年五通街火燬數十家五月初小木口雨雹秋七月黃楊司冷水市火延燒數百家

十三年大旱饑知縣嵇有慶設轉運局稟免穀稅商船雲

集米價轉賤又捐廉籌貲散賑自十一月始賑至次年二
月止

光緒元年冬十一月初一日雷鳴雨霽

